

Na osnovu člana 71. i člana 125. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i broj: 14/15), općinski Načelnik donosi:

P R A V I L N I K
O RASPODJELE NOVČANIH SREDSTAVA ZA DODJELU
JEDNOKRATNE NOVČANE POMOĆI PORODILJAMA

Član 1.

Pravilnikom o raspodjeli novčanih sredstava za dodjelu jednokratne novčane pomoći porodiljama (u daljem tekstu: Pravilnik), utvrđuju se kriteriji i način dodjele jednokratne novčane pomoći porodiljama čije je prebivalište/boravište na području općine Vogošća i koje su ostvarile pravo na novčanu pomoć ženi majci koja nije u radnom odnosu ili pravo na novčanu naknadu umjesto plaće ženi majci u radnom odnosu putem Službe za boračko-invalidsku i socijalnu zaštitu Općine Vogošća.

Član 2.

Finansijska sredstva utvrđena na ekonomskom kodu 614239 - grant jednokratna finansijska pomoć porodiljama na području Općine Vogošća raspoređuje općinski Načelnik zaključkom na prijedlog Službe za boračko-invalidsku i socijalnu zaštitu Općine Vogošća (u daljem tekstu: Služba), a u skladu sa utvrđenim kriterijima.

Član 3.

Porodilja koja rodi prvo ili drugo novorođeno dijete ima pravo na jednokratnu novčanu pomoć u visini od 150,00 (stotinupedeset) KM.

Porodilja koja rodi treće, četvrto i svako naredno novorođeno dijete ima pravo na jednokratnu novčanu pomoć u visini od 250,00 (dvijestotinepedeset) KM.

Član 4.

Zahtjev za ostvarivanje prava na jednokratnu novčanu pomoć podnosi porodilja lično putem Protokola Općine Vogošća, te je uz isti dužna dostaviti kopiju lične karte, Izvode iz matične knjige rođenih za djecu, rješenje o priznatom pravu na novčanu naknadu ili novčanu pomoć porodilji i kopiju tekućeg računa.

Član 5.

Služba sačinjava listu korisnika jednokratne novčane pomoći iz člana 3. Pravilnika nakon čega Služba općinskom Načelniku predlaže iznos finansijskih sredstava za isplatu.

Jednokratna novčana pomoć porodiljama dodjeljivat će se putem Službe za finansije uplatom na tekući račun porodilje ili putem blagajne Općine Vogošća.

Član 6.

Podneseni zahtjev važi samo za budžetsku godinu u kojoj je zahtjev podniet.

Član 7.

Stupanjem na snagu ovog Pravilnika, prestaje da važi Pravilnik o raspodjeli novčanih sredstava za dodjelu jednokratne novčane pomoći porodiljama sa područja općine Vogošća, broj: 09/1-35-825/17 od 18.04.2017.godine.

Član 8.

Izmjene i dopune ovog Pravilnika vršit će se na način i po postupku koji važi za njegovo donošenje.

Član 9.

Ovaj pravilnik stupa na snagu narednog dana od dana objavljivanja na oglasnoj ploči Općine Vogošća, a primjenjivati će se od 01.01.2019.godine.

Broj: 09/1-35-190/19

Datum: 28.01.2019. godine

